

四部叢刊

昌黎先生文集

116

四部叢刊初編集部

朱文公校

韓昌黎先生集

四十卷 外集十卷 遺文一卷

據商務印書館一九二六年版重印

四部叢刊初編（一一六）

昌黎先生文集

唐韓愈撰

上海書店印行

上海福州路四二四號

上海影印廠印刷

上海涵芬樓用元
刊本景印原書板
匡高營造尺六寸
二分寬四寸一分

晦庵先生朱文公韓文考異序

南安韓文出莆田方氏近世號爲佳本
予讀之信然然猶恨其不盡載諸本同
異而多折衷於三本也原三本之見信
杭蜀以舊閣以官其信之也則宜然如
歐陽公之言韓文印本初未必誤多爲
校讎者妄改亦謂如羅池碑改步爲涉

田氏廟改天明爲王明之類耳觀其自言爲兒童時得蜀本韓文於隨州李氏計其歲月當在天禧中年且其書已故弊脫略則其摹印之日與祥符杭本蓋未知其孰先孰後而嘉祐蜀本又其子孫明矣然而猶曰三十年間聞人有善本者必求而改正之則固未嘗必以舊

本爲是而悉從之也至於秘閣官書則亦民間所獻掌故令史所抄而一時館職所校耳其所傳者豈真作者之手藁而是正之者豈盡劉向揚雄之倫哉讀者正當擇其文理意義之善者而從之不當但以地望形勢爲重輕也抑韓子之爲文雖以力去陳言爲務而又必以

文從字順各識其職爲貴讀者或未得
此權度則其文理意義正自有未易言
者是以予於此書姑考諸本之同異而
兼存之以待覽者之自擇區區妄意雖
或竊有所疑而不敢偏有所廢也

郡齋近刊朱文公校定昌

黎集附以考異而音辯則

舊所刊也初讀者未免求之

音辯質諸校本既字不盡同且

音讹事多缺此書有集注有

補注有辨證有全解音通

句釋引物連類雖若加詳
而於本文間亦抵牾余頗病
之今悉從校本更定音訓因
旁撫諸家注解劾本文用事
者枚舉而記其凡有未備則
訪諸士友博極此書者併記之

意其間闕逸尚多也昔黃太
史有云杜詩韓文無一字無來
處竊謂必盡所云而後可讀
二文公之書過不自料附所膏
記錄於逐卷之左而空其下
方以待來者竄釋異更相

續續於音辨或有補云寶慶
三年季夏既望承議郎特添
差通判南劍州軍州兼管内
勸農事王伯大謹書

音釋如集中考異
已載者更不重出

昌黎先生集諸家姓氏

丹陽洪氏

興祖撰年譜辨證

東蜀樊氏

汝霖著公志及年譜註

眉山孫氏

汝聽全解

臨邛韓氏

諄全解

文溪祝氏

充全解

晦庵朱氏

熹撰考異

留畊王氏

伯大著音釋

姓氏

畢

朱文公校昌黎先生集序

此集今世本多不同惟近歲南安軍所刊
以校定本號爲精善別有率正十卷補其
以去取之意又它本之無也然其去取多
以祥符抗本嘉祐蜀本及李謝所據館閣本
爲定而尤尊館閣本雖有謬誤又往往曲從
本雖善亦不錄至英舉正則又例多而詞
寡覽者或疑本不能曉知故今輒以文勢義
校定悉可證驗者之同異而一以文勢義
它書之可證驗者之同異而一以文勢義
出小本不敢信又各詳著其所未安則雖官
本不敢信又各詳著其所未安則雖官
十卷無幾去取之序只云目爲昌黎得先生
筆削焉○去取之序只云目爲昌黎得先生
本亦多無文字者今以之○後凡以方氏者
不復論所不

門人李漢編

修撰上柱國賜緋魚袋李漢編今本或有

井序二字非是

文者貫道之器也不深於斯道有至焉者不也易繇
爻象春秋書事詩詠詞書禮別其僞皆深矣乎秦漢
已前其氣渾然迨乎司馬遷相如董生揚雄劉向之
徒尤所謂傑然者也至後漢曹魏氣象姜肱司馬氏
已來規範蕩悉謂易已下爲古文剽掠潛竊爲工耳
文與道素塞固然莫知也先生生於大曆戊申或無
幼孤隨兄播遷韶嶺兄卒鞠於嫂氏辛勣來歸或求
是非自知讀書爲文日記數千百言比壯經書通念曉
析酷排釋氏諸史百子皆搜抉無隱或無汗瀾卓踔
蕭洙澄深洙音玄郭璞江賦云詭然而蛟龍
翔蔚然而虎鳳躍鏘然而韶鈞鳴今按二字兩通
但作鳥則句響而字隱耳故今定以諸本日光玉潔
而特著

周情孔思千態萬貌卒澤於道德仁義炳如也洞視

萬古愍惻當世遂大拯頽風教人自爲時人始而驚

中而笑且排先生益堅終而翕然隨以定嗚呼先生

於文摧陷廓清之功比於武事閣本作可謂雄偉不

常者矣常以抗本賞云取漢書功蓋天下者不

語而唐太宗亦嘗自言武德末年實有功高不賞之

懼施之於此既不相似且非臣子所宜言者李亦未

當以諸本爲正長慶四年冬先生歿門人隴西李

漢或無隴辱知最厚且親遂收拾遺文無所失墜

左傳國語多用失墜字或得賦四古詩二百一十聯

句十一律詩一百六十雜著六十五書啓序九十六

哀辭祭文三十九碑誌七十六筆硯鱣魚文三表狀

五十二摠七百

或作七百一十六或作七百三十八